



Taku Taumata

Taku taumata tonu ko runga ko
Ruapehu marama te titiro
He ao ka rere mai na runga tonu mai
o Pirongia maunga kei tua iti atu
Ko Arekehanara tona haona kaha ko
Kemureti ra tona oko horoi
Ngaruawahia
Turangawaewae o te Kingitanga
moe mai Koroki i runga i te
Maungatapu o tupuna i hiritia ai
Te mana o te tangata Te Mana o
te Atua whakapau nga mahara
Ki Kawhia moana ki Kawhia kai
ki Kawhia tangata ki Te
Kauhanganui
Ki te Paki o Matariki ko te tumu
tera
O te kupu korero a o tuupuna e
huri to kanohi
Nga whare wananga i raro o
Taranaki i kia iho ai
E Whiti e Tohu takoto rapua te
mea ngaro hoki ake nei au



Taku Taumata (continued)

Kei Ta Rawiri he roimata taku
kai i te ao i te po me whakatuputupu
Ki te hua o te Rengarenga me whakapakari
Ki te hua o te kawariki tēra atu ano ra
Aku nei hoa kei nga to pito e wha o
te Ao nga humeka nei
Ko nga kamura me nga parakimete nei
Maku ano e hanga nga poupou o
toku nei whare ko nga mahoe nei
ko nga patate nei kua tutaki mai
Kia koe e Ata ki te tahuhunui o
Rangi e tu nei te kupu whakamutunga
E kore tenei ora e huri ki tua i taku
mokopuna poto atu nga mano
Nga rau nga rima tekau waiho mai ki ahau
Tekau ma rua ko ahau kei roto ko te
Atua toku piringa ka puta ka ora nau.